

आकाशवाणी

खबरां

1. प्रधानमंत्री नरेंद्र मोदी ते मलेशिया दे प्रधानमंत्री अनवर इब्राहिम हुं'दे बश्कार कुआलालम्पुर च गल्लबात-केई समझौते पर कीते गे न दस्तखत।
2. गृह मंत्री अमित शाह अज्ज रायपुर छत्तीसगढ़ च उच्ची सतह दी सुरक्षा समीक्षा बैठक दी प्रधानता करडन।
3. भारत दे दौरे पर आए दे सेशेल्स दे राष्ट्रपति पैट्रिक हरमाइनी होरें आखेआ ऐ जे उंदा मुल्ख भारत कन्नै सैह्योग दे दायरे दा विस्तार करने दा ख्वाहिशमंद ऐ।
4. जपान च संसदीय चुनां'दे स्लैप पोल तैहत अज्ज वोट पाए जा'रदे न।
5. आई.सी.सी टी-20 विश्व कप च कल भारत नै मुम्बई च इस प्रतियोगिता दे अपने पैहले मुकाबले च अमरीका गी 29 रन्जें कन्नै हराई दित्ता।

<><><><><><>

PM-Malaysia

प्रधानमंत्री नरेंद्र मोदी हुं'दा अज्ज मलेशिया दे प्रधानमंत्री अनवर इब्राहिम हुं'दे दफ्तर च रस्मी सुआगत कीता गेआ। दौनें नेताएं बश्कार केई बैठकें दा दौर बी लगगा ऐ जिस दरान बपार, आर्थिक सैह्योग, सामरिक सांझ-भ्याली ते नमें उभर करदे खेत्तरें बक्खी चेचा ध्यान दित्ता गेआ ऐ। इस दरान दौनें पक्खें बश्कार केई समझौते पर दस्तखत कीते गे न ते मगरा दौनें पक्खें आसेआ प्रेस लेई बयान जारी कीते जा'रदे न। तोआई, एह्दे शा पैहले प्रधानमंत्री मोदी होरें कल कुआलालपुर च माइंस एग्जिबिशन एंड कन्वेंशन सेंटर च कल रातीं आयोजित प्रवासी भारती कार्यक्रमै गी संबोधित कीता। तकरीबन 15 ज्हार लोकें दे किटठ अग्गे भाशण दिंदे होई श्री मोदी होरें भारत ते मलेशिया बश्कार गैहे सरबंधें दा जिक्र कीता ते प्रवासी भारतीयें गी दौनें देशें दे दिलें गी जोड़ने आला इक जीवंत पुल करार दित्ता। मलेशिया दे प्रधानमंत्री अनवर इब्राहिम हुं'दे कन्नै अपनी परानी दोस्ती गी चेत्ताकरदे होई श्री मोदी होरें आखेआ जे पिछले ब'रे दे आसियान शिखर सम्मेलन च हिस्स नेई लेई सकदे ने बाद उंनें मलेशिया औने दा वायदा कीता हा जिसी उंनें हुन पूरा करी दित्ता ऐ।

<><><><><><>

C' Garh Amit Shah

गृह मंत्री अमित शाह छत्तीसगढ़ दे त्रऊं दिनें दे दौरे पर कल संझा रायपुर पुज्जे। इस दरान ओह राज्य च अंदरूनी सुरक्षा ते विकास कन्नै जुड़े दे बक्ख-बक्ख कार्यक्रमें च हिस्सा लैडन। गृह मंत्री अज्ज रायपुर च वामपंथी उग्रवाद बारै इक उच्ची सतह दी सुरक्षा समीक्षा बैठक दी प्रधानता करडन जेह्दे च केंद्र ते राज्य सरकारें दे वरिष्ठ अधिकारिणं दे कन्नो-कन्नो सुरक्षा एजेंसिणं दे प्रतिनिधि बी शामिल होंगन। मगरा श्री शाह होर उत्ये राश्ट्री सतह दे इक सम्मेलन च मुख्ख परौहने दे तौर पर शामिल होंगन।

<><><><><><>

Seycheles Prez. Visit

सेशेल्स दे राष्ट्रपति पैट्रिक हर्मिनी 5एं दिनें दे दौरे पर कल मुम्बई पुज्जे। उंनें बंदरगाहें, ज्हाजरानी ते जलमार्गें सरबंधी केंद्री मंत्री सर्बानंद सोनोवाल हुं'दे कन्नै मलाटी कीती ते भारती उद्योग परिसंघ-सी.आई.आई आसेआ आयोजित भारत सेशेल्स बपार गोलमेज सम्मेलन च हिस्सा लैता। इस मौके पर राष्ट्रपति हर्मिनी होरें आखेआ जे पिछले 50एं ब'रें च दौनें देशें बश्कार रिश्ते मजबूत होए न ते ओह इस दपक्खी सैह्योग गी होर बधाना चाहंदे न। उंनें आखेआ जे उंदा मुल्ल दुनिया दी चौथी सभनें शा बड़ी

अर्थ बवस्था दे रूप च भारत दा सम्मान करदा ऐ। इस मौके पर केंद्री मंत्री सर्बानंद सोनोवाल होरें आखेआ जे दौनें देशें दे बश्कार लोकें दे आपसी सरबबंधें ते समुंदरी संपर्के पर आधारित इक भरोसेमंद सांझेदारी ऐ जेहदा विस्तार सेहत सेवाएं, शिक्षा, समुंद्री सुरक्षा ते आपदा राहत च सहयोग तगर होई गेआ ऐ।

<><><><><><>

Japan Elections

जपान च संसदीय चुनांस दे स्रै पोल दे तैहत मतदान चला करदा ऐ। सनाए ताकाइची होरें सांसदें आसेआ अपने आपै गी प्रधानमंत्री चुने जाने दे किश गै म्हीनें परैंत जनादेश हासल करने लेई चुनांस कराने दा फैसला कीता ऐ। प्रधानमंत्री ताकाइची हुं'दी लिबरल डेमोक्रेटिक पार्टी ते जपान इनोवेशन पार्टी दा गठबंधन जेगर 310 सीटां जित्ता ऐ तां ओहू विपक्ष दे नियंत्रण आले संसद दे उप्परले सदन च बहुमत हासल करी लैगा।

<><><><><><>

UPSE-Cal Centre

UPSC नै सिविल सेवा म्तेयान ते भारती विदेश सेवा 2026 दे मेदवारें गी बड्डी राहत दिंदे होई अपने काल सेंटर दिएं सेवाएं दा समां बधाई दिता ऐ। हून मेदवारे हफ्ते दे कुसै बी दिन बडलै कोला लेइयै चिरें रातीं धोड़ी काल सेंटर दिएं सेवाएं दा फैयदा लेई सकदे ना। आयोग नै मेदवारें दी सुविधा लेई काल सेंटर च मेदवारें दी मदद करने आहले अमले दी गिनतरी च बी बाद्दा करने दी घोशणा कीती ऐ। संघ लोक सेवा आयोग दा आखना ऐ जे आवेदन प्रक्रिया दरान मेदवारें गी बेहतर सहायता ते मार्गदर्शन देने दे मकसद कन्नै एहू फैसला लैता गेआ ऐ। जानकारी मूजब हून काल सेंटर दी सेवा हफ्ते दे 7एं दिन उपलब्ध होग ते 2 शिफ्टें च कम्म जारी रौहने कारण हून बडुलै 7 बजे कोला लेइयै रातीं 9 बजे धोड़ी मेदवारें अपनिएं समस्याएं दे नबेडे लेई काल सेंटर कन्नै संपर्क करी सकडना।

<><><><><><>

ICC-T 20 Cricket

कल्लै थमां शुरू होए दे आई.सी.सी टी-20 विश्व कप 2026 दे पैहले रोज कल कुल 3 मैच खेड्डे गए जिंदे च पाकिस्तान नै नीदरलैंड्स गी 3 विकेटें कन्नै, वेस्ट इंडीज नै स्काटलैंड गी 35 रन कन्नै ते भारत नै अमरीका गी 29 रन कन्नै हराइयै 2-2 अंक हासल करी लैते। कल राती मुम्बई दे वानखेडे स्टेडियम च खेड्डे गेदे अपने पैहले मैच च भारत नै पैहले बल्लेबाजी करदे होई 20एं ओवरें च 161 रन बनाए जेहदे परते च 162 रन दे लक्ष्य दा पिच्छा करदे होई अमरीका दी टीम 20 ओवरें च 8 विकेटां मोआइयै छडे 132 रन गै बनाई सकी। अज्ज दुए रोज बी त्रै मैच खेड्डे जाडना।

<><><><><><>

DIET-CEBIGP

ग्रामीण विकास राज्यमंत्री पेम्मासानी चंद्रशेखर होरें आंध्र प्रदेश दे गुंटूर जिले दे बोयालेम थुम्मल पलेम ग्रांस पंचैत च जिला शिक्षा ते सिखलाई संस्थान डाइट उत्कृष्टता केंद्र दा नींहु पत्थर रक्खेआ। उनें आखेआ कि 2047 तगर भारत गी विकसित मुख बनाने लेई म्यारी शिक्षक सिखलाई जरूरी ऐ। उनें आखेआ कि समग्र शिक्षा योजना दे तैहत आंध्र प्रदेश लेई त्रै डाइट उत्कृष्टता केंद्रें गी मंजूरी दिती गेई ऐ।

<><><><><><>